

Na osnovu člana 34. Statuta Grada Zenica («Službene novine grada Zenica», broj 5/15) i člana 17. st.2) Zakona o javnim nabavkama („Službeni glasnik BiH“, broj: 39/14), a u skladu sa Budžetom Grada Zenica za 2019. godinu, Gradonačelnik grada Zenica donosi:

O D L U K U

o usvajanju plana nabavki Grada Zenica u 2019. godini

I

Grad Zenica, kao Ugovorno tijelo iz člana 4. Zakona o javnim nabavkama (u daljem tekstu: Ugovorno tijelo), utvrđuje stvarne potrebe za nabavku radova, roba i uluga u kalendarskoj 2019. godini.

U skladu sa Budžetom za 2019. godinu, a s ciljem osiguranja svega što je potrebno za djelokrug rada Ugovornog tijela, donosi se Plan nabavke, koji sadrži podatke o predmetu nabavke, procijenjenoj vrijednosti nabavke, planiranim sredstvima u budžetu (iznos i konto), vrsti postupka, planiranom početku i završetku postupka, načinu ugovaranja (ugovor ili okvirni sporazum) i vremenu zaključenja istog, kao i podatku o provođenju e-aukcije.

II

Ugovorno tijelo zadržava pravo u slučaju obrazloženog zahtjeva zasnovanog na odredbama Zakona o javnim nabavkama da promjeni vrstu postupka kao i procijenjenu vrijednost nabavke na temelju obrazloženja zasnovanog na ekonomskim ili drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

III

Za sve nabavke predviđene Planom nabavke obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama. Sredstva predviđena za neplanirane nabavke mogu se koristiti na temelju pojedinačne odluke koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja plana nabavke.

IV

Plan nabavke objavit će se na web stranici Ugovornog organa, www.zenica.ba i Portalu javnih nabavki, prije pokretanja bilo kojeg postupka, a najkasnije u roku od 60 dana od dana usvajanja Budžeta Grada Zenica.

V

Plan nabavke za 2019. godinu je prilog ove Odluke i čini njen sastavni dio.

VI

Odluka stupa na snagu danom donošenja.

Broj:

Zenica, 04.02.2019. godine

DOSTAVLJENO:

1 x Služba kabineta Gradonačelnika
1 x u spis
1 x web Grada Zenica
1 x a/a

GRADONAČELNIK ZENICE:

Fuad Kasumović